

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Analiza/ Çfarë i karakterizoi 14 vitet e Vuçiç në pushtet?
ADRESA	https://boldnews.al/2026/09/28/analiza-cfare-i-karakterizoi-14-vitet-e-vucicit-ne-pushtet/
BURIMI	boldnews.al
GJENDJA	online

KOHA


KAPUR NGA NE	28 shtator 2026, 20:11:37 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	28 shtator 2026, 20:07:49 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	bb5faf13806534257c837dee9ff674aaf41b958cf0bffd213a3e0177af50c4af
TEKSTI	f3104181435d06cc73a256f3311b8abacc5d26dffcf2f3f9dc6b3860d4f2434b6
PAMJA	9c9866a82dfaacce2ebdac57c11d89dbbb68f761f1f49fe3cccf113659ab3707

ZINXHIRI I PROVËS

KJO HYRJE	21f7633fdd70f30c91d2b76562f9c280efa3d867b15ac1378e7453bc86481720
E MËPARSHMJA	—
RRËNJA MERKLE	6a4afcd2fdba1fd2c3f5e26c1cb3946785567999c2c435268418bbbef9bbb6
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet, në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/21f7633fdd70f30c91d2b76562f9c280efa3d867b15ac1378e7453bc86481720>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

Fillimi > BOTA

Analiza/ Çfarë i karakterizoi 14 vitet e Vuçiç në pushtet?

22:07 : 28/09/2026 në BOTA



Ish-radikal i Vojsllav Sheshelit dhe ministër i Slobodan Millosheviqit, Aleksandar Vuçiç gjatë dekadës së kaluar, si zyrtar i Partisë së re Përparimtare të Serbisë, u orientua drejt Perëndimit dhe u bë partner i tij. Një dekadë e gjysmë më vonë, ai e braktisi postin e presidentit të Serbisë dhe iu fut garës zgjedhore për postin e kryeministrit, pas dy vjetësh protestash dhe kërkesash për zgjedhje të parakohshme.

“Në vitet e para ai premtoi disa ndryshime dhe ne, si shoqëri, besuam se kishte mësuar diçka nga vitet '90, por në fund gjithçka përfundoi në diçka që i ngjan shumë viteve '90”, thotë Dushan Spasojeviq nga Fakulteti i Shkencave Politike në Beograd.

Në vitet e fundit, vlerëson Spasojeviqi, shohim “prirje autoritare, punë të papërfunduara, korrupsion dhe premtime të perealizuara”. Vdekja e 16 njerëzve nga shembja e strehës në stacionin hekurudhor në Novi Sad nxiti protesta masive dhe kërkesa për përgjegjësi nga pushteti.

Protestuesit, të udhëhequr nga studentët në bllokadë, kërkuan ndryshimin e pushtetit, duke vlerësuar se puna e dobët për rindërtimin e asaj strehe dhe korrupsioni kishin shkaktuar atë tragjedi. Serbia nën udhëheqjen e Vuçiçit ka shënuar rënie të lirive, gjë që është theksuar edhe në raportin e fundit të organizatës ndërkombëtare, Freedom House.

Në atë raport, Serbia është renditur ndër vendet me rënien më të madhe të lirive të njeriut. Ndërkohë, Serbia ka ngecur në integrimet evropiane, duke kaluar nga fillimisht një prej vendeve prijëse, së bashku me Malin e Zi, pothuajse në fund të listës. Që nga fundi i vitit 2021, nuk është hapur asnjë kapitull në negociatat për anëtarësimin në Bashkimin Evropian.

Lexo edhe:

[Kosovë/ Partitë ende pa marrëveshje për presidentin e ri](#)[Vuçiç dorëzon detyrën e Presidentit të Serbisë, Brnabić merr postin e Presidentes së Përkohshme](#)

Rënia e demokracisë, marrëdhëniet e pazgjidhura me Kosovën dhe, mbi të gjitha, mosvendosja e sanksioneve ndaj Rusisë për shkak të pushtimit të Ukrainës, janë arsyt kryesore për këtë ngecje. Duke dhënë dorëheqjen tetë muaj para përfundimit të mandatit, Vuçiç tha më 27 shtator se e di se ka gabuar në vendime të ndryshme.

TË GJITHA

**Analiza/ Çfarë i karakterizoi 14 vitet e Vuçiç në pushtet?**

22:07 : 28/09/2026

**Tumor në gji dhe plaga i zuri krimba, familjarët: Nuk e preku mjeku me dorë**

21:57 : 28/09/2026

**VIDEO/ Nëna 21-vjeçare dhunon foshnjën 6-muajshe në Kombinat: Do e bëj për vdekje**

21:49 : 28/09/2026

**Plagosi me thikë 65-vjeçar in në një kantier ndërtimi, arrestohet shqiptari në Greqi**

21:38 : 28/09/2026

**Bushati: Pushteti funksionon si piramidë e një bande kriminale**

21:33 : 28/09/2026

**“Jo në emrin tim”, Prishtina sërish në protestë për katërshen e UÇK-së**

21:23 : 28/09/2026

**Ulsi Manja del nga Kuvendi, aktivistja i shkon pas: O hajdut!**

21:16 : 28/09/2026

“Që nga përzgjedhja e njerëzve, ndonjëherë edhe në aspektin strategjik, por, më duket, kam arritur ta korrigjoj këtë, ndërsa në aspektin taktik sigurisht shumë më shpesh”, deklaroi ai, pa specifikuar se për cilat vendime e kishte fjalën.

Çfarë (nuk) bëri ai?

“Vuçiqi është dikush që ka premtuar shumë”, thotë politologu Dushan Spasojeviq, duke shtuar se në vitet e para ai “bëri gjëra të rëndësishme për Perëndimin”.

“Marrëveshja e Brukselit ishte një gjë e madhe, dhe ende është gjë e madhe, ende është themeli i marrëdhënieve të Serbisë me Kosovën”, thotë ai.

Por Spasojeviqi thotë se me kalimin e kohës, mungesa e integriteteve të mëtejshme dhe veçanërisht “rritja e tendencave autoritare dhe korrupsioni e minuan pozitën nga e cila Vuçiqi u nis”. Me Marrëveshjen e Brukselit më 2013 për normalizimin e marrëdhënieve mes Serbisë dhe Kosovës, u arrit pajtueshmëri për integrimin e serbëve të Kosovës në sistemin kosovar të drejtësisë dhe policisë.

Marrëveshja për themelimin e Asociacionit të komunave me shumicë serbe në Kosovë deri më sot nuk është zbatuar. Në Uashington u nënshkruan edhe marrëveshja për normalizimin e marrëdhënieve ekonomike në vitin 2020, si dhe ajo e Ohrit në pranverën e vitit 2023, e cila duhej të çonte drejt një marrëveshjeje gjithëpërfshirëse për normalizimin e marrëdhënieve mes Kosovës dhe Serbisë.

Ndërkohë, procesi i negociatave mes Serbisë dhe Kosovës ka ngecur, për çka të dyja palët fajësojnë njëra-tjetrën. Ndodhi edhe sulmi i armatosur i një grupi serbësh të Kosovës në Banjskë, në veri të Kosovës, në shtator të vitit 2023, për të cilin Prishtina fajëson Serbinë, gjë që Beogradi e mohon.

Gjatë dy viteve të fundit, Kosova ka mbyllur pothuajse të gjitha institucionet e Serbisë që funksiononin në zonat e banuara me serbë gjatë periudhës së pasluftës. Spasojeviqi vlerëson se në fillim Perëndimi e shihte Vuçiqin si dikë që mund të artikullonte një qëndrim të djathtë në Serbi, patriotik ose nacionalist, në mënyrë që ai të ishte i pajtueshëm me Perëndimin.

“Kjo ishte jashtëzakonisht e rëndësishme për ta dhe mendoj se edhe për këtë arsye e mbështetën fuqishëm. Plus, këtu duhet shtuar edhe zhgënjimi me Tadiqin, i cili gjithashtu kishte një mundësi të mirë nga këndvështrimi i tyre”, tha ai.

“Ndërsa sot kemi ardhur në një situatë ku ai ka mbështetje protokollare dhe vetëm sepse nuk ka një alternativë të qartë”, shtoi ai.

Në zgjedhjet presidenciale të vitit 2012, demokrati Boris Tadiq humbi mbështetjen e votuesve, ndërsa Partia Përparimtare Serbe formoi shumicën në Kuvendin e Serbisë.

Me kë ishte më i afërt Vuçiqi?

Politologu Spasojeviq thotë se Vuçiqi “luan disa karta”, duke përshkruar politikën e tij të jashtme. Spasojeviqi vëren se, teksa gjërat filluan të ndryshonin në BE, Vuçiqi filloi gradualisht të orientohej më shumë drejt të tjerëve, të fliste sërish për miqësinë me Rusinë dhe të theksonte Kinën si një lloj alternative.

“Kjo i dha atij një hapësirë manovrimi, në njëfarë mënyre ‘ia rriti edhe çmimin’ në një moment, por tani e ka sjellë në një situatë mjaft të pakëndshme”, vlerëson Spasojeviqi.

Vuçiqi e përfundoi mandatin e tij me një bisedë telefonike me presidentin rus, Vladimir Putin, duke pritur zgjatjen e marrëveshjes për gazin. BE-ja, edhe lidhur me këtë bisedë, e paralajmëroi Serbinë se marrëdhëniet me Rusinë nuk mund të zhvillohen sikur gjithçka të jetë si më parë me regjimin e Putinit, në hijen e luftës agresore të Rusisë kundër Ukrainës.

Edhe në Uashington, me këtë rast, iu referuan deklaratës së fundit të sekretarit të Shtetit, Mark Rubio, më 23 shtator, se Serbia është e përfshirë në disa çështje që janë potencialisht problematike dhe shpërthyes, dhe që janë me interes ndërkombëtar.

“Tani kemi presion të kryqëzuar ndaj të gjithë miqve të Rusisë dhe Kinës, si nga Uashingtoni, ashtu edhe nga Brukseli. Natyrisht, Vuçiqi mund të rrezikojë dhe të kthehet te qasjet e tij radikale dhe të shohë se çfarë do t’i sjellë kjo”, thotë Spasojeviqi.

Ai vlerëson gjithashtu se balancimi që përdor Vuçiqi është relativisht i qëndrueshëm për sa kohë askush në vend nuk e kundërshton seriozisht. Por se në një rast të tillë gjërat bëhen më

të komplikuara.

A është jeta më mirë tani?

Aleksandar Vuçiqi, jo vetëm si kryeministër, por edhe si president, shpesh ka përdorur shifra për të argumentuar se sa më mirë jetohej, punohej dhe ndërtohej tani se para vitit 2012. Duke dhënë dorëheqjen, ai tha se do të përpiqet të mos i bezdisë njerëzit me shifra.

Por, duke paraqitur disa shifra, ai vlerësoi se Serbia është një vend me borxh të ulët, “me borxh dy herë më të vogël sesa vendet më të zhvilluara të BE-së”. Ai veçoi, siç pretendon, se janë hapur mbi 300 fabrika dhe uzina vendore dhe të huaja, si dhe se ka madje 500.000 njerëz më shumë të punësuar zyrtarisht sesa në vitin 2012.

Megjithatë, profesori i ekonomisë në Fakultetin FEFA në Beograd, Goran Radosavljeviq, thotë se rritja e pagës mesatare, e cila ka arritur në 1.000 euro, nuk do të thotë edhe se serbët jetojnë më mirë tani. Siç shpjegon ai, rritja e çmimeve të ushqimit gjatë gjashtë apo shtatë vjetëve të fundit ka qenë shumëfish më e madhe sesa rritja e pagave.

“Paga realisht rritet, por 50, 60 për qind të shportës së konsumit e shpenzoni për ushqim, ndërsa ushqimi është rritur me dy shifra gjatë viteve të fundit”, thotë ai.

Radosavljeviq thekson gjithashtu se të dhënat tregojnë se qytetarët janë futur shtatë herë më thellë në borxh në formën e kredive afatshkurtra sesa para rreth dhjetë vjetëve. Si dështim ai e konsideron edhe faktin se, siç thotë, nuk janë zhvilluar ndërmarrjet e vogla dhe të mesme vendore.

“Nuk arritëm që as për ato pak kompani të mëdha që erdhën këtu, t’i lidhim disa nga ndërmarrjet tona të vogla dhe të mesme me to”, shtoi ai.

Për investimet e huaja, të cilat ishin një nga argumentet kryesore të pushtetit në zgjedhje, Radosavljeviq thotë se ato kanë ngecur gjatë dy-tri vjetëve të fundit për shkak të mungesës së fuqisë së lirë punëtore. Ai konsideron se investimet e shtetit në infrastrukturë dhe projekte të mëdha ndërtimore “e rrisin PBB-në në afat të shkurtër, por se në afat të gjatë nuk sjellin pothuajse asgjë ose shumë pak”. Si problem ai përmend edhe shkallën e lartë të korrupsionit.

Sipas raportit të organizatës Transparenca Serbi dhe rrjetit global Transparency International për vitin 2025, Serbia renditet në vendin e 116-të nga 182 vende të botës në Indeksin e Perceptimit të Korrupsionit. Ndërsa si rezultat pozitiv të pushtetit të tanishëm ai e vlerëson kursin e qëndrueshëm të këmbimit, duke thënë se kjo ka qenë në dëm të një dekurajimi të madh të eksporteve vendore.

Vuçiqi përballë një “sfide serioze”

Pas 14 vjetësh në pushtet, Vuçiqi për herë të parë përballlet me një sfidë serioze në zgjedhjet e parakohshme parlamentare të 25 tetorit.

“Kjo është një provë jashtëzakonisht serioze për të. 25 tetori është padyshim sfida më e madhe, pa asnjë dilemë, që kur erdhi në pushtet”, konsideron Spasojeviq.

Nëse, megjithatë, arrin të bëhet kryeministër, Spasojeviq nuk pret që Perëndimi menjëherë të ushtrojë presion me të gjitha forcat.

“Por sigurisht se pozita e tij do të jetë shumë më e vështirë sesa ishte pesë apo dhjetë vjet më parë”, konsideron ai.

Lista e pjesëmarrësve në zgjedhjet parlamentare ende nuk është përfunduar, ndërsa si rivalja më serioze e Vuçiqit dhe Partisë së tij Përparimtare Serbe konsiderohet lista “Studentët fitojnë”. Këtë listë e mbështesin studentët protestues, të cilët udhëhoqën protestat dhe organizuan bllokada disamujore të fakulteteve në mbarë vendin./REL

Etiketa: president Serbi Vucic

Lajme të lidhura



Kosovë/ Partitë ende pa marrëveshje për presidentin e ri

17:10 : 28/09/2026



Stradner: Kremlini mund ta ndihmojë Vuçiçin me energji

10:41 : 27/09/2026

Vuçiç dorëzon detyrën e Presidentit të Serbisë, Brnabiç merr postin e Presidentes së Përkohshme

11:53 : 28/09/2026



Vuçiç në OKB: Serbia do të mbrojë interesat e saj për Kosovën

16:37 : 24/09/2026

Vuçiç jep dorëheqjen si president i Serbisë

21:43 : 27/09/2026



25 tetori vendos përballë studentët dhe Vuçiçin, çfarë tregojnë sondazhet

21:02 : 21/09/2026


BOLD NEWS

RRETH NESH

Boldnews.al mbetet zgjedhja e parë për një lexues i cili kërkon të informohet me saktësi për një lajm. Misioni jonë kryesor është paanshëmëria dhe profesionalizmi dhe për këtë janë të punësuar gazetarët më të mirë në tregun mediatik.

Na kontakto:

NA NDIQ



2026 Boldnews Dev By Techzero1.com

Kontakt

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.